

七十二家集

江醴陵集目錄

卷之一

賦

別賦

恨賦

泣賦

去故鄉賦

思北歸賦

哀千里賦

知己賦

有序

傷友人賦

有序

傷愛子賦

有序

卷之二

賦

麗色賦

水上神女賦

娼婦自悲賦

赤虹賦

有序

四時賦

學梁王兔園賦

有序

丹砂可學賦

有序

江上之山賦

井賦

卷之三

賦

橫吹賦

有序

燈賦

扇上綵畫賦

空青賦

蓮華賦

有序

靈丘竹賦

青苔賦

有序

金燈草賦

翡翠賦

石劫賦

有序

卷之四

樂府

銅爵妓

採菱曲

齊籍田樂歌二首

迎送神升歌

饗神歌

牲出入歌

薦豆呈毛血歌辭

奏宣列之樂歌舞

齊鳳皇銜書伎辭

詩

侍始安王石頭

從征虜始安王道中

從冠軍建平王登廬山香爐峰

從建平王遊紀南城

望荆山

步桐臺

秋至懷歸

渡西塞望江上諸山

赤亭渚

渡泉嶠出諸山之頂

僊陽亭

遊黃蘗山

還故園

劉僕射東山集

陸東海譙山集

無錫縣歷山集

外兵舅夜集

貽袁常侍

古意報袁功曹

寄丘三公

卧疾怨別劉長史

應劉豫章別

燈夜和殷長史

贈鍊丹法和殷長史

從蕭驃騎新帝壘

惜晚春應劉秘書

秋夕納涼奉和刑獄舅

郊外望秋荅殷博士

冬盡難離和丘長史

池上酬劉記室

吳中禮石佛

採石上菖蒲

卷之五

詩

襍體三十首 有序

古離別

李都尉陵轡軍

班婕妤詠扇

魏文帝曹丕遊宴

陳思王曹植贈友

劉文學楨感遇

王侍中粲懷德

稽中散康言志

阮步兵籍詠懷

張司空華離情

潘黃門岳述哀

陸平原機羈宦

左記室思詠史

張黃門協苦雨

劉太尉琨傷亂

盧郎中諶感交

郭弘農璞遊仙

孫廷尉綽襍述

許徵君詢自敘

殷東陽仲文興矚

謝僕射混遊覽

陶徵君潛田居

謝臨川靈運遊山

顏特進延之侍宴

謝法曹惠連贈別

王徵君徽養疾

袁太尉淑從駕

謝光祿莊郊遊

鮑參軍昭戎行

休上人怨別

學魏文帝

效阮公詩十五首

卷之六

詩

就謝主簿宿

無錫舅相送街涕別

當春四韻同 左丞

感春冰遙和謝中書二首

詠美人春遊

征怨

清思詩

傷內弟劉常侍

悼室人十首

騷

遂古篇

雜詞

有序

構象臺

訪道經

鏡論語

悅曲池

愛遠山

應謝主簿騷體

劉僕射東山集學騷

山中楚辭五首

卷之七

詔

北伐詔

遣使巡行詔

立學詔

斷募士詔

慰勞雍州詔

賜赦交州詔

曲赦丹陽等四郡詔

大赦詔

王儉爲左僕射詔

王儉領太子詹事詔

王劼軍爲中書令右光祿詔

張永爲太常領國子祭酒詔

爲何詹事拜吏部尙書詔

王撫軍爲安東吳興詔

王光祿爲征南湘州詔

初僕射爲南蠻校尉詔

王侍中爲南蠻校尉詔

工僕射加兵詔

蕭侍中爲征北長史詔

封江冠軍等詔

蕭冠軍進號征虜詔

敕

爲建平王聘隱逸敕

建平王赦五刑敕

爲蕭太傅東畔教

爲蕭驃騎發徐州三五教

爲蕭驃騎築新亭壘埋枯骸教

卷之八

表

拜中書郎謝表

拜正員外郎表

爲建平王慶明帝疾和禮上表

建平王慶安城王拜封表

建平王之南徐州刺史辭闕表

建平王讓右將軍荊州刺史表

爲蕭驃騎讓封第二表

爲蕭驃騎讓封第三表

爲蕭驃騎錄尚書事到省表

爲蕭驃騎讓豫司二州表

爲蕭驃騎上頓表

爲蕭驃騎謝慰勞表

爲蕭驃騎慶平賊表

爲蕭驃騎解嚴輸黃鉞表

爲蕭驃騎讓油幢表

爲蕭驃騎謝甲仗入殿表

卷之九

表

爲蕭驃騎讓太尉增封第二表

爲蕭驃騎讓太尉增封第三表

爲蕭太尉上便宜表

爲蕭讓太傅揚州牧表

爲蕭重讓揚州表

爲蕭三讓揚州表

爲蕭太傅謝侍中敦勸表

爲蕭重讓尚書敦勸表

爲蕭太傅謝追贈父祖表

卷之十

表

爲蕭讓劍履殊禮表

爲蕭太傅讓前部羽葆鼓吹表

爲蕭太傅讓輿駕親幸表

謝開府辟召表

爲蕭上銅鐘芝草衆瑞表

爲蕭讓太傅相國齊公十郡九錫表

爲蕭讓九錫第二表

爲蕭讓謝百僚敦勸表

蕭相國讓進爵爲王表

爲蕭相國拜齊王表

爲齊王謝冕旒諸法物表

爲齊王讓禪表

卷之十一

章

爲建平王拜右衛將軍荊州刺史章

爲始安王拜征虜將軍南兗州刺史章

爲始安王拜征虜將軍丹陽尹章

爲建平王慶少帝登祚章

爲建平王太后正位章

爲建平王慶江皇后正位章

爲蕭領軍拜侍中刺史章

爲蕭拜太尉揚州牧章

爲蕭拜相國齊公十郡九錫章

符

尚書符

奏記

奏記南徐州新安王

牋

刊主簿日詣建平王牋

被黜爲吳興令辭建平王牋

到功曹參軍請竟陵公子良牋

卷之十二

啓

爲建平王慶改號啓

爲建平王讓鎮南徐州刺史啓

爲建平王謝賜石硯等啓

爲建平王謝玉環刀等啓

爲蕭領軍讓司空并敦勸啓

爲蕭太尉子姪拜領軍江州兗州豫州

淮南黃門謝啓

上書

獄中上建平王書

書

與交友論隱書

報袁叔明書

勅爲朝賢答劉休範書

卷之十三

論

無爲論

頌

閩中草木頌十五首

有序

金荊

相思

豫章

枌櫚

杉

櫻

楊梅

山桃

石榴

木蓮

石菖蒲

黃蓮

薯蕷

杜若

藿香

讚

銅劍讚

有序

雲山讚四首

有序

王太子

陰長生

白雲

秦女

卷之十四

誄

齊太祖高皇帝誄

傳

袁叔明傳

自序傳

墓銘

宋尚書左丞孫緬墓銘

宋安成王右常侍劉喬墓

宋光祿大夫孫奭墓銘

齊御史中丞孫詵墓銘

齊司徒右長史檀超墓銘

行狀

建平王太妃周氏行狀

祭文

蕭太傅東耕祝文

蕭驃騎祭石頭戰亡文

附錄

江淹傳

陳姚察

江淹傳

唐李延壽

夢筆山

宋黃伯雲

夢筆晴嵐

無名氏

遺事

集評

江醴陵集

目錄

卷一

江醴陵集卷之一

梁濟陽江淹文通著

明閩漳張燮紹和纂

賦

別賦

黯然銷魂者唯別而已矣况秦吳兮絕國復燕
宋兮千里或春苔兮始生乍秋風兮暫起是以
行子腸斷百感悽惻風蕭蕭而異響雲漫漫而
奇色舟凝滯於水濱車逶遲於山側棹容與而

詎前馬寒鳴而不息掩金觴而誰御橫玉柱而
沾軼居人愁卧恍若有亡日下壁而沉彩月上
軒而飛光見紅蘭之受露望青楸之罹霜巡層
楹而空掩撫錦幕以虛涼知離夢之躑躅意別
魂之飛揚故別雖一緒事乃萬族至若龍馬銀
鞍朱軒繡軸帳飲東都送客金谷琴羽張兮簫
鼓陳燕趙歌兮傷美人珠與玉兮豔暮秋羅與
綺兮嬌上春驚駟馬之素沫聳淵魚之赤鱗造
分手而銜涕咸寂寞而傷神乃有劒客慙恩少

年報士韓國趙厠吳宮燕市割慈忍愛離邦去
里漚泣共訣刎血相視驅征馬而不顧見行塵
之時起方術感於一劒非買價於泉裏金石震
而色變骨肉悲而心死或乃邊郡未和負羽從
軍遼水無極鴈山叅雲闔中風暖陌上草薰日
出天而耀景露下地而騰文鏡朱塵之炤爛熊
青氣之烟煴攀桃李兮不忍別送愛子兮沾羅
裙至如一赴絕國詎相見期視喬木兮故里歎
北梁兮永辭顧左右兮魄動視親賓兮淚滋可

班荆兮增恨唯樽酒兮叙悲值秋鴈兮飛日當
白露兮下時怨復怨兮遠山曲去復去兮長河
湄又若君居淄右妾家河陽同瓊珮之晨照共
金鑪之夕香君結綬兮千里惜瑤草之徒芳慙
幽宮之琴瑟晦高臺之流黃春閨闕此青苔色
秋帳含茲明月光夏簟青兮晝不暮冬缸凝兮
夜何長織錦曲兮泣已盡迴文詩兮影獨傷儻
有華陰上士服食還仙術將妙而猶學道已寂
而未傳守丹竈而不顧鍊金鼎而方堅駕鶴上

漢騷鸞騰天暫遊萬里少別千年惟世間今重
別謝主人兮依然下有芍藥之詩佳人之歌桑
中衛女上宮陳娥春草碧色春水綠波送君南
浦傷如之何至乃秋露如珠秋月如珪明月白
露光陰往來與子之別思心徘徊是以別方不
定別理千名有別必怨有怨必盈使人意奪神
駭心折骨驚雖淵雲之墨妙嚴樂之筆精金閨
之諸彥蘭臺之群英賦有凌雲之稱辨有雕龍
之聲詎能摹暫離之狀寫永訣之情者乎

恨賦

試望平原蔓草縈骨拱木斂魂人生到此天道
寧論於是僕本恨人心驚不已直念古者伏恨
而死假如秦帝按劒諸侯西馳削平天下同文
共規華山爲城紫淵爲池雄圖旣溢武力未畢
方架鼉鼉以爲梁巡海石以送日一旦魂斷宮
車晚出若廼趙王旣虜遷於房陵薄暮心動昧
旦神興別豔姬與美女喪金輿及玉乘置酒欲
飲悲來填膺千秋萬歲爲恨難勝至如李君降

北名辱身冤拔劍擊柱弔影慙魂情往上郡心
留鴈門裂帛繫書誓還漢恩朝露溘至握手何
言若夫明妃去時仰天太息紫臺稍遠關山無
極搖風忽起白日西匿隴鴈少飛岱雲寡色望
君王今何期終燕絕今異域至乃敬通見抵罷
歸田里閉關却掃塞門不仕左對孺人右顧稚
子脫畧公卿跌宕文史齎志沒地長懷無已及
太牢散下獄神氣激揚濁醪夕引素琴晨張秋
日蕭索浮雲無光鬱青霞之奇念入脩夜之不

腸或有孤臣危涕孽子墜心還寄海上流戍隴
陰此人但聞悲風泊起泣下沾襟亦復含酸竊
嘆銷落煙沉若乃騎疊迹車屯軌黃塵匝地歌
吹四起無不煙斷火絕閉骨泉裏已矣哉春草
暮兮秋風驚秋風罷兮春草生綺羅畢兮池館
盡琴瑟滅兮丘壟平自古皆有死莫不飲恨而
吞聲

泣賦

秋日之光流兮以傷霧離披而殺草風清冷而
繞堂視左右而不孺具衣冠而自涼默而登高
谷坐景山倚桐栢對石泉直抵百里處處蘄煙
闌寂以思情緒留連江之永矣蓮欲紅南有喬
木葉以窮心蒙蒙兮恍惚魄漫漫兮鹵東詠河
兗之故俗眷徐揚之遺風眷徐揚兮阻關梁詠
河兗兮路未央道尺拆而寸斷魂十逝而九傷
歔潺湲兮沫袖泣鳴咽兮染棠若夫景公齊山

荆卿燕市孟嘗聞琴馬遷廢史少卿悼躬夷甫
傷子皆泣緒如絲詎能仰眎鏡終古而若斯况
余輩情之所使哉

去故鄉賦

日色暮兮隱吳山之丘墟北風析兮絳花落流
水散兮翠莖疎愛桂枝而不見悵浮雲之離居
邈凌大壑越滄淵茫茫積水巖巖斷山窮陰匪
海平燕帶天於是泣故關之已盡傷故國之無
際出汀州而解冠入溱浦而捐袂聽蒹葭之蕭
瑟知霜露之流滯對江臯而自憂弔海濱而傷
歲撫尺書而無悅倚樽酒而不持去室宇而遠
客遵蘆葦以爲期情嬋娟而未罷愁爛漫而方

滋切趙瑟以橫涕吟燕笳而坐悲少歌曰芳洲
之草行欲暮桂水之波不可渡絕世獨立兮報
君子之一顧是時霜翦蕙兮風摧芷平原晚兮
黃雲起寧歸骨於松柏不買名於城市若濟河
無梁兮沉此心於千里重曰江南之杜蘅兮色
以陳願使黃鵠兮報佳人橫羽觴而淹望撫玉
琴兮何親瞻層山而蔽日流餘涕以沾巾恐高
臺之易晏與螻蟻而爲塵

思北歸賦

伊小人之薄伎奉君子而輸力接河漢之雄才
覽日月之英色絕雲氣而騰響負青天而撫翼
德被命而不渝恩潤身而無極何規矩之守任
信愚陋而不肖愧金碧之琳琅慙丹雘之照曜
樊天網而自離徒夜分而誰弔遭大道之隆盛
雖草木而勿履誤銜造於遠國出顛沛之願始
去三輔之臺殿辭五都之城市惟江南兮丘墟
遙萬里兮長蕪帶封狐兮比景連雄虺兮蒼梧

當青春而離散方仲冬而遂徂寒蕪葭於余馬
傷霧露於農夫跨金峰與翠巒涉桂水與碧瀟
雲清冷而多緒風蕭條而無端援之吟今日光
迥恍之啼今月色寒究烟霞之繚繞具林石之
巒岈於是臨虹蜺以築室鑿山楹以爲柱上暘
暘以臨月下淫淫而愁雨奔水潦於遠谷汨木
石於深巖鷹隼戰而櫟巢黿鼉怖而穴處若季
冬之嚴月風搖木而騷屑玄雲合而爲凍黃烟
起而成雪虎踞踞而歛步蛟螭蝼蛄而失穴至江

江籬兮始秀或杜衡兮初滋桂含香兮作葉藕
生蓮兮吐絲俯金波兮百丈見碧沙兮來往霧
蓋蓋兮半出雲雜錯兮飛上石炤爛兮各色峰
近遠兮異象及迴風之搖蕙天潭潭而下露木
蕭梢而可哀草林離而欲暮夜燈光之寥迥歷
隱憂而不去心湯湯而誰告魄寂寂而何語情
枯槁而不反神翻覆而亡據夫以雄才不世之
主猶儲精於沛鄉竒畧獨出之君尙婉戀於樊
陽潛去洛而掩涕陸出吳而增傷况北州之賤

士爲炎土之流人共魍魎而相偶與蠨蛸而爲
鄰秋露下兮點劒鳥青苔生兮綴衣巾步庭蕪
兮多蒿棘顧左右兮絕親賓憂而填骨思兮亂
神願歸靈於上國雖坎軻而不惜身

哀千里賦

蕭蕭江陰兮荆山之岑北繞瑯琊碣石南馳九
疑桂林山則異嶺奇峰橫嶼帶江雜樹億尺紅
霞萬里水則遠天相逼浮雲共色茫茫無底溶
溶不測其中險如孟門豁若長河參差巨石縱
橫龜鼉若乃夏后未鑿秦皇未闢暫巖生斧迤
邐成迹馳湍走浪漂沙擊石伊孟冬之初立出
晉夏以歸來自出國而辭友永懷慕而抱哀魂
終朝以三奪心一夜而九摧徒望悲其何及銘

此恨於黃埃於是鴻鴈旣鳴秋光亦窮水黯黯
兮蓮葉動山蒼蒼兮樹色紅思雲車兮沅北望
蜺裳兮澧東惜重華之已沒念芳草之坐空旣
而悄愴成憂惘默自憐信規行之未曠知矩步
之已難雖河北之爽塏猶橘柚之不遷及年歲
之未晏願匡坐於霸山

知己賦

陳國之華者故吏部郎殷孚其人也博而能通
學無不覽雅賞文章尤愛奇逸雖志隱巖石而
名動京師矣才多深見氣有遠度雖安期千里
不能尙焉始於壯府相值傾蓋無已僕乃得罪
嶠外遐路窮然始還舊都會君尋卒故爲茲賦
以寄深哀

順祗効寶瀆靈會昌時雨種祉山雲降祥承瑤
葉之餘暖系金枝之末光聳孤韻以風邁騫逸

氣以烟翔故學不常師而心鏡羣籍理不啓問
而情炤諸密採圖辨緯遊璣訪曆潛志百氏沈
神六經冥析義象該洽性靈儒不隱迹墨無遁
形旣含道潤亦發才華采耀秋月文麗冬霞有
體有豔光國光家識包上仁義兼高行如彼清
波可挹可鏡又象冲室惟清惟淨氣擬北海情
方中散風流未輟盛名猶纂英馳芬激譽流聲
滿我筠心而松性君金采而玉相伊邂逅之未
遇爰契濶於朱方丹瓊譬而非寶綠蘭比而無

芳每賞矜其如契貴懷允而不忘亟閒席今惆
悵屢緩帶而從容論十代今興毀訪五都今異
同談天理之開基辨人道之始終罄龍圖及鳳
書傾蒼冊與篆字儲西國之闕文採東京之逸
記閱歌向之舊旨闡鍾王之新意對楚漢之瞻
墨覽魏晉之鴻策披遠近之真假削古今之名
實每齊韻而等逕輒同懷而共術吐情志而深
賞忘年齒而降眷擬余才今前華比余文今後
彥余結袂於山石君憑神於寒霰何遠期之未

從痛戢景其如電堂酒今一塵暮燈今萬春黛
草今永秘朱丹今何晨聞瑤質今可變知余采
今一奪唯華名與芳暉今爭日月而無沫

傷友人賦 有序

僕之神交者嘗有陳郡之袁炳焉有逸才有妙
賞博學多聞才明敏而識奇異僕以爲天下絕
倫黯與秋草同折今不復見矣旣而陳書有念
橫瑟無從雖乏張范通靈之感庶同嵇向篤徒
之哀乃爲辭曰

泫然沾衣兮悲哀友之英秀系神緒而作氏胤
靈枝而啓胄轢四代而式昌洎十葉而克茂友
人之生川岫降明峻調迥韻慧志聰情倜儻遠

度寂寥靈素文攀淵卿史類遷固譬如冬雪旣
潔將似秋月至徹乃上代而少雙故叔世而曠
絕吊蕙若之暫芳慟琬琰之永闕余旣好於斯
友乃神交於一顧邈疇年之繼繼竊生平之遊
遇旣遊遇今可尋乃協好兮契心懷愛重於素
璧結分珍於黃金拾一代而笑淺訪古人而求
深故高術而共逕豈異衷而同襟爾挂情於霜
栢我發意於冬桂擊千品之消散鏡百侯之衰
替帶瑤玉而爭光握隨珠而比麗披圖兮炤籍

抽經兮閱史共檢兮雜書同新兮河紀旣思遊
兮百說亦窮精兮萬里愛詩文之綺發賞賦豔
兮錦起罄古今之寶賚殫竹素之琛奇信朝日
之徒是屬夜星之空移覽秋實於鹵苑摘春華
於東池蚤同歲於上京未滿年於下國爾湘水
兮深沉我前山兮耿默惟音華與書酒伊楚越
兮南北余結誼兮梁門復從官兮朱藩何人遙
而困阻而天道之匪存凋碧玉之神樹銷紫石
之靈根永遠書於江滢結深痛於爾魂魂絲昧

其若絕泣縈盈其若結玄妙賞之不留悼知音
之已逝金雖重而見鑄料徬芳而被折百年一
盡今貴揚糴於後烈

傷愛子賦

有序

江亢字胤卿僕之第二子也生而神俊必爲美
器惜哉遘閔涉歲而卒悲至躑躅乃爲此文
惟秋色之顥顥心結縉兮悲起曾憫憐之慘悽
痛掌珠之愛子形憚憚而外施心切切而內圯
日月可銷兮悼不滅金石可鑠兮念何已緬吾
祖之赫義帝高陽之玄胄惜衰宗之淪沒恐余
人之弗構覲三靈之降福竚弱子之擢秀酷奈
何兮胤卿那逢天兮不祐爾誕質於青春攝提

貞乎孟陬謂北方於右列望齊英於前脩遘高
行之美迹弘盛業之清猷白露奄被此百草爾
同凋於梧楸憶朱明之在節顧岐嶷之可貴睨
鑪帳而多怊瞻戶牖而有慰奚在今之寂寞失
音容之髣髴姊目中而下泣兄嗟季而飲淚感
木石而變哀激左右而隕歔奪懷袖之深愛爾
母氏之麗人屑丹泣於下壤僚慙憂於上旻視
往端而擗慄踐遺緒而苦辛就深悼而誰弭歸
末命兮何陳我過幸於時私爰守官於江潯悲

薄暮而增甚思纒黃而不禁月接日而爲光霞
合雲而成陰霧籠籠而帶樹月蒼蒼而架林嗟
奈何兮弱子我百艱兮是尋驗纖帶之夜緩察
葆鬚之朝侵惟人生之在世恒歡寡而戚饒雖
十紀之空名豈百齡之能要迅朱光之映夜湛
白露之凝朝精玆譬而取免排此理以自銷然
則生之樂兮親與愛內與外兮長與稚傷弱子
之冥冥獨幽泉兮而永閼余無愆於蒼祇亦何
怨於厚地信釋氏之靈果歸三世之遠致願同

鴻醴陵集

卷一

升於淨刹與塵習兮永棄

江醴陵集卷之二

梁濟陽江淹文通著

明閩漳張燮紹和纂

賦

麗色賦

楚臣旣放魂往江南弟子曰玉飾佩解驂濛濛
淥水裊裊青衫乃召巫史茲憂何止史曰臣野
膠學蔽理臣之所知獨有麗色之說耳夫絕世
獨立者信東方之佳人旣翠眉而瑤質亦虛曠

而頰脣灑金花及珠履颯綺袂與錦紳色練練
而欲奪光炎炎其若神非氣象之可譬奚影響
而能親故仙藻靈豔金華玉儀其始見也若紅
蓮鏡池其少進也如綵雲山崖五光徘徊十色
陸離寶過珊瑚同樹價值瓊草共枝雖玉堂春
姬石室素女張烟霧於海際耀光景於河渚乘
天梁而皓蕩叶帝閭而延佇猶比之無色方之
非侶於是雕臺繡戶當衢橫術椒庭承月碧幌
延日架虬柱之嚴麗亘虹梁之峻密錦幔垂而

香寂桂烟起而清溢女乃耀邯鄲之躡步媚北
里之鳴瑟若夫紅華舒春黃鳥飛時糾穗初嫩
蘋蘭始滋不擘蘅帶無倚桂旗摘芳拾藥含詠
吐辭笑月出於陳歌感蔓草於衛詩故氣炎日
永離明火中槿榮任露蓮華勝風後簷丹葵前
軒碧桐笙歌晚右琴僊池東嗟靈王之心悅怨
漢女之情空至乃西陸始秋白道月弦金波炤
戶玉露曖天網絲挂墻綵螢繞梁氣已濕兮曉
未半星雖流今夜何央憶雜珮兮且一歛念錦

衾兮以九傷及沍陰凋時冰泉凝節軒疊厚霜
庭澄積雪鳥封魚斂河凝海縹紫帷鈴匝翠屏
環合麝密周彰燈爐重沓恥新臺之青樓想上
宮之邃閣若乃水炤景而見底烟尋風而無極
霧出異而綺章雲堆趙而碧色霧辭楚而容裔
風去燕而悽惻莫不輟鏡徙倚擘琴心息於是
帳必藍田之寶席必蒲陶之文館圖明月室畫
浮雲春蠶度網綺地應紡秋梭鳴機織爲聚衣
象奩瓊盤神瀝仙丹雕柱彩瑟九華六出翠裂

羽釵綠秀金枝故言必入媚動必應規有光有
豔如合如離氣柔色靡神凝骨奇經周歷趙旣
無其雙尋楚訪蔡不覲其容亦可駐髮還質驂
星馭龍蠲憂忘死保其家邦非天下之至麗孰
能預於此哉宋大夫耀影汰迹縈魂洒魄賞以
雙珠賜以合璧拂巫盪視永爲上客

水上神女賦

江上丈人遊宦荆吳首衛國望燕途歷秦關出
宋都遍覽下蔡之女具悅淇上之姝未有粉白
黛黑鬼神之所無也廼造南中渡炎洲逕玉礪
越金流路透迤而無軌野忽漭而渺儔山反覆
而叅錯水遶灌而縈薄石五采而橫峰雲千色
而承萼日炯炯而舒光雨屑屑而梢落紫莖繞
逕始參差紅荷緣水纔灼爍忽而精飛視亂意
徙心移綺靡菱蓋悵望蕙枝一麗女兮碧渚之

崖曖曖也非雲非霧如烟如霞諸光諸色雜卉
雜華的的也象珪象璧若虛若實綾錦共文瑤
貝合質遂乃紅唇寫朱真眉學月美目豔起秀
色爛發窈窕暫見偃蹇還沒冶異絕俗奇麗不
常青琴羞豔素女慙光笑李后於漢主恥西施
於越王神翻覆而愉悅志離合而感傷女遂俯
整玉軼仰肅金鑣或採丹葉或拾翠條守明璣
而爲誓解琅玕而相要情乍合而還散色半親
而復嬌聳輶車於水際亭雲霓於山椒庵人祇

之行像共光氣而寂寥於時也綵霞繞繞卿雲
縵縵石瓊文而翕艷山龍鱗而焯爛苔綠根而
攢集草紅葩而舒散日炫晃以隴光樹葳蕤而
葱粲無西海之浩蕩見若木之千尋非丹山之
赫曦聞琴瑟之空音理洞徹於俗聽物驚恠於
世心恨精影之不滯悼光晷之難惜閱有無於
俄頃驗變化於咫尺視空同而失貌察倏忽而
亡迹野田田而虛翠水湛湛而空碧迺唱桂櫂
凌衝波背橘浦向椒阿砒砒木石洪漭蛟鼉顧

江體陵集

卷一

五

御僕而情饒巡左右而怨多弔石渚而一歛悵
沙洲而少歌荷懸天兮有命永離決兮若何妙
聲無形奇色非質麗於嬪嬙精於琴瑟尋漢女
而空佩觀清角而無足嬪楊不足聞知夔牙焉
能委悉何如明月之忌玄雲秋露之慙白日愁
知形有之留滯非英靈之所要術也

娼婦自悲賦

有序

漢有其錄而亡其文泣蕙草之飄落憐佳人之
埋墓廼爲辭焉

粵自趙東來舞漢宮瑤序金陳桂枝嬌風素壁
翠樓明月徒秋譌聲忽散傷人復愁君王更衣
露色未晞侍青鑾以雲聳夾丹輦以霞飛願南
山之無隙指壽陵以同歸俄而綠衣坐奪白華
卧進屑骨不憐絃金誰恡九重已閉高門自蕪
青苔積兮銀閣澁網羅生兮玉梯虛度九冬而

廓處遙十秋以分居傷營魄之已盡畏松栢之
無餘歸故鄉之末光實夫君之晚滋去栢梁以
淹袂出桂苑而斂眉視朱殿以再暮撫巔華而
一疑於是怨帝關之遂阻悵平原之何極霜繞
衣而葭冷風飄輪而景昃御思趙而不顧馬懷
燕而未息泣遠山之異峰望浮雲之雜色若使
明鏡前兮碎孤鴈之錦翼廼爲詩曰曲臺歌未
徙黃壤哭已親玉玦歸無色羅衣會成塵驕才
雄力君何怨徒念薄命之苦辛

赤虹賦

有序

東南嶠外爰有九石之山乃紅壁十里青萼百
仞苔滑臨水石險帶溪自非巫咸采藥群帝上
下者皆歛意焉於時夏蓮始舒春蓀未歇肅舲
波清緩拽汀潭正逢巖崖相炤雨雲爛色俄而
雄虹赫然暈光耀水偃蹇山頂舄弈江湄迫而
察之實雨日陰陽之氣信可觀也又憶昔登香
鑪峰上手接白雲今行九石下親弄絳琬二奇
難并感而作賦曰

迤邐嵒磯兮大極之連山
鰐鰐虎豹兮玉虺騰
軒孟夏氤氲兮荷葉承蓮
悵何意之容與兮與
暫緩此憂年失代上之異人
遲山中之虛迹掇
仙草於危峰鑄神丹於崩石
視鱣岫之吐翕看
龍梁之交積於是紫霧上河
絳氛下漢白日照
餘碧雲卷半殘雨蕭索光烟
豔爛水學金波石
似瓊岸錯龜鱗之陵陵繞蛟
色之漫漫俄而赤
蜺電出蚺蚪神驤曖昧以變
依稀不常非虛非
實乍陰乍光滌赫山頂炤燎
水陽雖圖緯之有

載曠代識而未逢既咨嗟而躑躅聊周流而從
容想番禺之廣野憶丹山之喬峰稟傳說之一
星乘夏后之兩龍彼靈物之詎幾象火滅而山
紅餘形可覽殘色未去耀萎蕤而在草映青葱
而結樹昏青苔於丹渚暖朱草於石路霞晃朗
而下飛日通曉而上度俯形命之窘局哀時俗
之不固定赤舄之易遺乃鼎湖之可慕既以爲
駢髻四羣之駕方瞳一角之人帝臺北荒之際
弁山西海之濱流沙之野析木之津雲或恠綵

江醴陵集

卷二

八

烟或異鱗必雜虹蜺之氣陰陽之神焉

四時賦

壯客長歎深壁寂思空牀連流圭窰淹滯網絲
藤戶青苔繞梁春華虛豔秋月徒光臨飛鳥而
魂絕視浮雲而意長測代序而饒感知四時之
足傷若乃旭日始暖蕙草可織園桃紅點流水
碧色思舊都兮心斷憐故人兮無極至若炎雲
峰起芳樹未移澤蘭生坂朱荷出池憶上國之
綺樹想金陵之蕙枝若夫秋風一至白露團團
明月生波螢火迎寒眷庭中之梧桐念機上之

羅紉至於冬陰壯邊永夜不曉平蕪際海千里
飛鳥何嘗不夢帝城之阡陌憶故都之臺沼是
以輶幘情動憂瑟涕落逐長夜而心殞隨白日
而形削故秦人秦聲楚音楚奏聞歌夏泣見悲
已疚寔由魂氣愴斷外物非救叅四時而皆難
况僕人之末陋也

學梁王兔園賦

有序

或重古輕今者僕曰何爲其然哉無知音則已矣聊爲古賦以奮枚叔之製焉

碧山倚巘崎兮象海水碣石朝日晨霞兮赭紅
壁仰望沈寥兮數千尺硿硬嶮嗽汨漚成岫豁
呀而窟竇哮礪礪確紫蕪丹駁苔點綺縹若斷
若續如此者百有十處奔水激集潏潏湏湏渠潏
湏吐吸跳波走浪濺沫而相及湍漾長驚澆灌
遠注無時息焉青樹玉葉彌望成林亦有輪囷

礫硤一枝百頃萬葉共陰縹草丹蘅江離蔓荆
醕郁交布原蒲濕平於是金塘涵演綠竹被坂
繚繞青翠近而復遠白砂如積雪者焉碧石如
圓玦者焉水鳥駕鵝鸕鴻鴈上飛衡陽下宿
沅漢十十五五忽合而復散乃有綺雲之館頽
霞之臺其樂足以棄國釋位遺死忘歸也若夫
墨翟商瞿之倫學藝師術才叅道真方駕連軫
于沼之濱乃射宿餌魴前繳鷗鷁青黏黃梁隴
鼃載羹臠狔柘漿窮嬉極娛雲翺兮烟翔超然

左覽蒼梧右睨鄧林崩石梧岸嘯叻藏陰逮至
山頂丹壁四平靈木夾道神草列生俯瞰太一
下視流星旣投冠而棄劒亦抗魄而盪靈於是
大夫之徒稱詩而歸泰陽始曉朱華未希卒逢
邯鄲之女蕙色玉質命知其麗攢連映日綺裳
下見錦衣上出雖復守禮令人意失遂謠曰碧
玉作碗銀爲盤一刻一鏤化雙鸞乃報歌曰美
人不見紫錦衾黃泉應至何所禁妃因別曰見
上客兮心歷亂送短詩兮懷長歎中人望兮蠶

既饑蹶蹶暮兮思夜半

丹砂可學賦

咸曰金不可鑄僕不信也試爲此辭精思云爾
惟靈場之少折乃人逕之多憂雖瑤笙及金瑟
雜翠帳與丹幃吞悲欣於得失銜哀樂於春秋
煥如星絕黯如火滅星絕難光火滅可傷故從
師而問道異幽路之或暘測神宗之無緩踐雲
極之不賒信名山及石室驗青瀨與丹砂撫五
難之重滯擘九仙之輕華故抱魄寂處凝神空
居泯邈深晝窈鬱重虛覘炫耀而可見聽沈寥

而有餘於是乘河漢之光氣騎列星之綵色輟
陰陽於形有傳變化於心識浮恍惚而無涯泛
靈恠而未極架日月之精照騫蛟龍之毛翼遂
乃氣穆肅而神奔骨窈窈而鬼恠綴葳蕤而成
冠點雜錯而爲珮出涵泣而遐驚貫濛鴻而上
厲鳳之來兮蔽日鸞之集兮爲群左昆吾之炎
景右崦嵫之卯雲爛七采之炤燿漫五色之氤
氲非世俗之習見焉鬼神之嘗聞旣而曖碧臺
之錯落燿金宮之玲瓏幻蓮華於繡闥化蒲桃

於錦屏施丹光而電燁飈翠氛而杳冥軒惘惘
於長虹階佐僚於奔鯨感龍宮之殿稱迷忉利
之宮名故靈偃蹇今姣服女嬋娟今可觀秀青
色之泯靡燦美目之波瀾襲日月之纂組襲星
宿之羅紉百味酒兮靈之集河俱鯉兮靈之安
却交甫之玉質笑陳王之妙顏所以樂精玄於
太乙妙宮徵於清都簫含聲而遠近琴吐音而
有無奏神鼓於玉袂舞靈衣於金裾韻躑躅而
易變律參差而難圖非南方之能擬詎濮水之

可摹於是流養不一邀曹無邊娥眉旣散鐘鼓
都捐乘綵霞於西海馴行雨於丹淵山差池而
鏡壑水清明而抱天山含玉以永歲水藏珪以
窮年擬若木以寫意拾瑤草而悠然遂乃凝虛
歛一守仙閉方智寂術盡魄兀心亡白生不能
關其說惠子無以挫其芒源其耻市朝之失道
疾讒嬖之不祥却文綵之媠冶去利劍之鏗鎗
據生歿於半氣惜百年於一光故以鑄金爲器
丹砂爲漿慙公旣盡妖怨當忘吾師以爲可學

而公子謂之不良歟

江上之山賦

潏潏湏溶兮楚水而吳江刻劃漸崿兮雲山而
碧嶂挂青羅兮萬仞豎丹石兮百重嵯峨兮岵
嶸如斲兮如削巍巍兮尖出巖岬兮空鑿波潮
兮吐納嶙峋兮積沓鰐鰓兮赤尾龍鼉兮匝匝
見紅草之交生跳碧樹之四合草自然而千花
樹無情而百色嗟世道之異茲牽憂恚而來逼
推爐炭於片景抱絲緒於一息每意遠而生短
恒輪平而路仄信懸天兮窈昧豈繫命於才力

旣群龍之咸疑焉衆狀之所極俗逐事而變化
心應物而廻旋旣歛翕其未悟亦繾繾而已遷
伊人壽兮幾何譬流星之殞天悵日暮兮吾有
念臨江上之斷山雖不敏而無操願從蘭茝與
玉堅亂曰折芙蓉兮蔽日與以盪夫憂心不共
愛此氣質何獨嗟乎景沉

井賦

穿重壤之千仞兮構玉甃之百節營之不日旣
汲旣渫